



Budyšin, dnja 3. februara 2017

**Namołwa
k wobdźelenju na wubědźowanju
Rěčam přichilena komuna – Serbska rěč je žiwa**

K startej na džensnišim dnju přepodadza so Wam podložki za třeće wubědźowanje wo rěčam přichilenu komunu – „Serbska rěč je žiwa“.

K přenjemu razej je so tute wubědźowanje w lětomaj 2004/05 w serbskim sydlenkim rumje Swobodneho stata Sakska přewjedło. Tehdyši prezident krajneho sejma, knjez Erich Iltgen, je doporučil tute wubědźowanje kóžde pjate lěto přewjesć.

Rada za serbske naležnosće Sakskeje je so tuž za wospjetnu akciju w lěće 2017 rozsudźila.

Wjeselimy so, zo je nětčiši prezident a člon Sakskeho krajneho sejma, knjez dr. Matthias Rößler, znowa patronatstwo přewzał.

W zakonju wo prawach Serbow w Swobodnym staće Sakska (Serbski zakon z dnja 31. měrcja 1999) rěka w § 2 wotst. 3: „Das sorbische Volk und jeder Sorbe haben das Recht auf Schutz, Erhaltung und Pflege ihrer angestammten Heimat und ihrer Identität. Der Freistaat Sachsen, die Landkreise, Gemeindeverbände und Gemeinden im sorbischen Siedlungsgebiet gewährleisten und fördern Bedingungen, die es den Bürgern sorbischer Volkszugehörigkeit ermöglichen, ihre Sprache und Traditionen sowie ihr kulturelles Erbe als wesentliche Bestandteile ihrer Identität zu bewahren und weiterzuentwickeln.“

Wobydlerjo, wosebje pak komunalni politikarjo dwurěčneje Łužicy, su z wobědźowanjom wo rěčam přichilenu komunu namołwjeni, z nowymi a mnohostronskimi iniciatiwami wšědne wužiwanje serbskeje rěče spěchować a jej nowe rумы wotewrěć. Chcemy w zjawnosći wo wuznamje našeje maćeršćiny za kulturelnu wšelakorosć a bohatosć našeje Łužiskeje domizny diskutować a zhromadne projekty nastorčić.

Dokelž staj dwaj krajej domizna Serbow, so tute wubědźowanje w Swobodnym staće Sakska a w Kraju Braniborska paralelnje přewjedže, w Sakskej so pak samostatnje zahaji, zakónči a wuhódnoći.

Samozrozumliwje ma so wobkedźbować, zo skutkuje serbska rěč jako wažny mosćik k našim słowjanskim susodam.

Česćene knjenje, česćeni knježa komunalni politikarjo, lubi wobydlerjo,

po džensnišim starće třećeho wubědźowanja ličimy z Wašim wobdźělenjom.

Čłonojo serbskeje rady Sakskeje, sobudźěłaćerki a sobudźěłaćerjo zarjadow Domowiny a Założby za serbski lud su Wam při tym z radu a skutkom k pomocy.

Wupjelnjene podložki a Waše prezentacije zwoprawdźenja, zo je serbska rěč we Wašej komunje žiwa, wotedajće abo pósćelće prošu hač do **31. decembra 2017** wotpowědnje připołożenemu informaciskemu łopjenju na zarjad

Założby za serbski lud, Póstowe naměsto 2, 0262 Budyšin

pod hesłom:

Serbska rěč je žiwa.

Jury ze zastupjerjow komunalneje politiki, Domowiny a załožby kaž tež čłonow Serbskeje rady Swobodneho stata Sakska wšitke zapodate podložki wuhódnoći. Rěčam přichilene komuny so z wopismami, zjawnje wužiwowanjomnym logom a spěchowanskimi mytami wuznamjenja.

Mytowanske zarjadowanje wotměje so dnja **2. februara 2018.**

Wšitkich wobdźělnikow wubědźowanja k tomu pozdžišo přeprašamy.